

医学六要



病機部序

內經曰謹守病機嘗謂人之生也

怒交浸其機甚微其變甚速况乎

所發有輕重良工精而候之因其發動所由乃

辯名定經溯流討源隨機應變始可以言治矣

然素問病機一十九條劉河間推廣其義演爲

原病式于六淫外感客邪變病特著今太平日

久人多情慾內傷者十居八九茲復博採諸名

家爲病機部



內經曰、往古居禽獸之間、動作以避寒、陰居以避暑、內無眷慕之累、思想之患、此恬澹之世、邪不能深入也。錫考歷代明醫等書、悉以風冠篇首、是重在外感也。今人情慾無涯、內傷爲病、十居八九。雖因六淫、悉從虛入、乃以氣血脾胃冠篇。裨醫者知所先務、先入爲主、不爲衆惑、遵生者亦知培養爲要、萬一有病、不徧剋伐、以戕天年、非敢狂妄、聊救一時之弊云爾。

病機部目錄

一卷

氣病

血病

脾胃

內傷

虛損

勞瘵

發熱

惡寒

飲食

痰病

咳嗽

哮喘

諸鬱

霍亂轉筋

嘔吐噦惡心

痞滿

噎膈

吞酸吐酸

嘈雜噯氣

腫脹



二卷

脹論

水腫

眩暈

頭痛

胃脘痛

腹痛

脇痛

腰痛

脚氣

痛風

痿病

二厥
卒中暴厥

小便數

遺尿不禁

便濁遺精

淋閉

肯毒

秘結

疝氣

耳

目

山

鼻

齒



咽喉

三卷

傷寒

疫癘

四卷

風

火

暑

濕

燥

寒

瘧

瀉

痢

積聚
弦癖癥瘕

驚悸怔忡健忘

諸汗

癲狂

五癰



瘰

黃疽

痺

癘風

關格

交腸

脫肛

腸風臟毒

多眠不眠

循衣摸床

喜咲不休

怒

煩躁

前陰

婦人月經

帶下

胎前

產後

小兒

痘疹

病機部目錄終



病機部卷上

肝江張三錫叔承甫纂

金壇王肯堂字泰甫校

氣

孫男

維藩爾德
維翰述泉
甫重訂

內經曰、恬憺虛無、真氣從之、精神內守、病安從
來、蒼天之氣清淨、則志意治、順之則陽氣固、雖
有賊邪、弗能為害也。○老子曰、毋勞爾形、毋搖
汝精、毋使汝思慮營營。

三錫按此數語迺養生
妙旨治未病之良箴也

因扑陽氣者、煩勞則張、弛張而不固也○陰者、藏精而



起亟也陽者衛外而爲固也

二氣自相液附陽在外爲陰之表陰在內爲陽之守而數起營氣之術環

內經曰百病生于氣也怒則氣上喜則氣緩悲

則氣消恐則氣下寒則氣收暑則氣泄驚則氣

亂勞則氣耗思則氣結

子和曰天地之氣常則安變則病而况人禀天

地之氣以生五運迭浸于外七情交戰于中是

以聖人審氣如持至寶庸人投物而反傷太和

此軒岐所以謂諸病皆因于氣百病皆生于氣

遂有九氣不同之說氣本一也因所觸而爲九

故怒則氣逆甚則嘔血及飧泄故氣逆上
太僕曰怒則陽氣逆上而肝木乘脾故甚
血及飧泄也○喜則氣和志達榮衛通利故氣
緩矣○悲則心系急肺布葉舉而上焦不通榮
衛不散熱氣在中故氣消矣○恐則精却却則
上焦閉閉則氣還還則下焦脹故氣下矣太僕
曰恐則傷精却上而不下流下焦陰氣亦迴還
而不散故聚而脹也然上焦固禁下焦氣還故
氣下行也寒則腠理閉氣不行故氣收矣王大



僕曰身涼則腠理閉氣沉故皮膚文理及滲泄之處皆閉密而不行流衛氣收斂于中而不散也暑則腠理開榮衛通汗大出故氣泄矣王太僕曰人在陽則舒在陰則慘故熱則腠理開發榮衛大通津液而汗大出也驚則心無所依神無所歸慮無所定故氣亂矣勞則喘且汗出內外皆越故氣耗矣太僕曰疲勞體役則氣奔促故喘陽氣外發故汗內外皆越故氣耗損也思則心有所存神有所歸止氣留而不行故氣結

矣

五志所傷以所勝者平之故悲可以治怒以
惻苦楚之言感之喜可以治悲以謔浪蕩狎之
言娛之恐可以治喜以迫遽死亡之言怖之怒
可以治思以污辱欺罔之言觸之思可以勝恐
以慮彼亡此之言奪之凡此五者必詭詐譎恠
無所不至然後可以動人耳目易人視聽若胸
中無物淺見之輩莫可言也又暑可以治寒寒
可以治暑逸可以治勞習可以治驚經曰驚者

平之平謂平常也夫驚忽然而遇之也使習見
習聞則不驚矣

子和治因驚而畏鬼魅飛揚者拍門窗使聲不
絕久乃復東垣治思婦呵罵得吐而能食皆此
理也惟勞而氣耗恐而氣奪者爲難治害者少
病百脉舒和故也今人徒事湯藥謬之甚矣

氣屬陽動則爲火

原病式曰氣爲陽而主輕微諸所動亂勞傷多
爲陽火之化神狂氣亂而爲病者多矣○悍衛



冲和不息之謂氣擾亂變常之謂火當其和平
之時外護其表復行于裏周流一身循環無端
出入升降繼而有常源出中焦總統于肺氣局
常病于人也及七情之交攻五志之間發乖戾
失常清名遽變之爲濁行者抑遏而反正表失
衛護而不和內失健悍而少降營運漸遠肺失
主待妄動不已五志厥陽之火起焉土燔于肺
氣乃病焉何者氣本屬陽陽亢則爲火河間所
謂五志過極皆爲熱盛是也局方不分所屬一

槩用辛香燥劑積熱既久津液暗傷而噎膈反胃等病出矣

局方用熱藥之悞

丹溪曰治氣一門有曰治一切氣冷氣滯氣逆氣上氣肺安息香丸丁沉丸蘇子丸勻氣散如神丸集香丸白沉香散煨薑丸鹽煎散七氣散溫白丸生氣湯悉用熱藥夫天地周流一身以爲生氣也陽往則陰來陰往則陽來一升一降無有窮已苟內不傷于七情外不感于六淫其



北京中醫藥大學圖書館版權所有
1994

爲氣也。何病之有。今曰滯氣逆氣上氣皆是。膈受火邪。氣得炎上之化。有升無降。熏蒸清道。塞而至于上焦不納。中焦不化。下焦不滲。遂成腹傳變爲嘔爲吐。爲膈爲噎。爲飲爲翻胃。爲吞酸。夫治寒以熱。治熱以寒。此正治也。治熱用熱。治寒用寒。此反佐之法也。古人微意。必得其情。有可汗者有可下者。滯者導之。鬱者揚之。熱者清之。寒者溫之。偏寒偏熱者反佐而行之。挾濕者淡以慘之。挾虛者補而養之。何嘗例用辛

香燥熱之劑以火濟火實實虛虛咎將誰執

論氣無補法之悞

丹溪曰氣無補者庸俗之論也以其瘡滿壅塞
似難于補不知正氣虛則濁氣滯正氣得補而
行健運之職則濁氣自下而瘡漸除氣虛不補
邪何由退病何由安乃千古確論一元之氣既
旺則七情鬱結自不能畱著而為患矣內經曰
壯者氣行則愈怯者著而成病欲破滯氣消脹
滿必補脾氣至當至的非淺見所知者

